

異若有慈心於佛者當受此法敬札供養爲供養三世佛報佛恩脩矣若慈孝於佛不如恭敬明度慎莫失一句囑累若鹿揔說耳若有不欲離於經法比丘僧三世佛者不當遠此法三世諸佛皆由斯生所以然夫六度者乃諸開士大士之母佛不可盡經法之藏

若日教人盡佛界中令得應儀道雖有是教尚未報佛恩不如具足爲開士說明度雖不能多一日可不能一日食時可若須臾聞其

福勝廣余所應儀開士大士思惟中慧得功德出應儀緣一覺上會當得不退轉不中道墮落說是明度時四部弟子及諸天王諸鬼

神王一佛界中持釋迦文佛威神一切悉見

無怒佛及比丘應儀諸開士亦無央數忽不復現佛語阿難辭如見國中人已不復見無怒佛及諸開士應儀士諸經索不見亦如是法不見法法不念法何以故諸經法無念無見亦無所益佛語阿難諸經法皆空無所

持不可念辭如幻師化作人諸經法亦然無念無痛何以故無形故開士作是行作是學爲行學明度在學中竄尊百千万倍是爲安十方群生因厄者爲隨佛法學也有應是學者以手舉一佛刹又復着故衆人無覺者從是學成無礙慧法十方三世無數諸佛悉從明度成佛亦不增不減是故不可盡虛空亦不可盡

大明度無極經卷第五

並清蕩書
羽

十五

大明度無極經卷第六

吳代月支國優婆塞支謙譯

不可盡品第二十六

是時善業念佛所說明度無極義甚深不可盡譬如虛空開士當何緣思惟之佛言五陰

用十三

十二因緣不可盡當作是惟十二因緣適得其中開士初坐樹下時以不共法惟十二因緣是時一切智慧具足開士行明度時惟十二因緣不可盡者出應儀緣一覺道正住佛道不作是惟者便中道得應儀緣一覺道不中還者用惟行明度變謀明慧故視十二因緣不可盡所覩法生滅者皆有因緣法無作者作是思惟十二因緣不見五陰不見佛界無所因法當見佛界是爲開士行明度當尔時邪天愁毒辭如喪親矣善業白佛言一邪愁餘邪復然乎佛言一佛界邪各於所止不安開士隨教時應行如是者諸天世凶群生猛毒不能害之欲求佛者當行明度行明度者爲具布施持戒忍辱精進一心變謀明慧若邪事起即覺滅之悉欲得變謀明慧諸度無極者當守明度思惟十方現在諸佛悉從明度出生開士作是念如是佛悉得經法作是念如彈指頃若有布施具足如恒沙劫不

如是行者爲住不退轉地爲諸佛所念終不還餘道會當得佛不歸三惡道開士未嘗離佛時行當如捷陁呵盡開士捷陁呵盡開士在無怒佛國爲第一

大明度無極經隨教品第二十七

善業白佛言開士何因隨明度無極教佛言諸經法無能壞者開士隨教當然虛空不可盡五陰四大無形沙羅伊擅六事本空無形開士隨教當然發心求佛願濟群生其願弘普莫與爲倫佛有四事不護各自異端德尊無極開士隨教當然爲衆生作慈護是我所非我所悉斷之虛空之中音響無形隨教當然辭如大海不可斛量如須弥巔竒寶各異如釋梵各自有教如月滿如日明遍至人本無形但字耳本無所生與滅度等開士隨明度當如幻化及野馬有名無形如地水火風是四事無極佛身相本無色佛界本無界佛諸經法本無無說無教辭如衆鳥飛行空中

無足跡矣五根五力七覺意乘脫定定足悉度諸欲臨作佛時乃得行是開士隨教當然諸經法無極量無從生無因出臨作佛時諸經法悉具足成滅度虛空無所有諸經法淨適無所因佛所作爲變化無極一切無索開士者無得佛者余乃得度無央數人開士隨

明度教當然去離謾諂貢高強梁非法自用財富僥倖世事衆穢棄身不惜壽命適無所慕但念佛業安慰群生開士行能然者得佛不永悉得一切智功德當字爲佛何以故今得佛不久若有開士以是教甫當來世爲得佛字佛在世若滅度後亦當隨明度無極如是

大明度無極經普慈開士品第二十八

佛告善業開士疾欲得佛者索明度無極當如普慈開士善業言今普慈所在佛言在上方過六百三十億佛國佛名香積其刹名衆香又言彼何因索明度佛言前世積行功德

追還本願所致前已供養無央數佛時開士臥出天人於夢中告曰若求大法寤即求之求之不覩其意惆悵欲得佛聞大明法時世無佛國無開士所行淨法是故哀慟如人有過在國王所財物悉沒父母及身閑在牢獄時忉利天人下觀見開士日日哭知有至心

開士第六

三

精進求道天人即於其親屬中學字開士先是時世有佛名景法自歲來王已滅度久不覩佛不聞經不見比丘僧時復於夢中見忉利天人告曰前有佛字景法自歲來王夢聞佛字則寤寤已大歡喜則捐家入山投命棄身無所貪慕而大啼哭自念惡所致不見佛不聞經不得開士所行法是時空中有聲言善士止無哀慟矣有大法名明度若有守志行之其得佛疾若當求是法得聞守行者佛功德身三十二相八十種好若當得之亦當以經法教十方人問空中聲何緣得聞當到何方索作何方便空中聲報言從是東行莫

得休息若行時莫念左右前後上下行止莫念恐怖歡喜食飲坐起行道中止莫念嬈怒癡莫念守行有所得莫念內外五陰眼耳鼻口身心地水火風空莫念衆生吾我壽命有空無空有道無道有經無經生天上世間開士善惡一切念斷適無所著從是東方作是行不毀者今得明度不父過去諸佛行開士道求之如此得明度隨其教精進行必早得佛開士聞之大歡喜言當隨天教報言莫失此教言畢不復聞聲聞是教則東行適無所念行道中念曰去是幾所乃當得明度復大哀慟上方空中有化佛言善哉善哉若所索得甚難作是精進者今得不父普慈開士又手仰視化佛身金色放十億光焰三十二相心大歡喜叉手白佛言願佛說法我從佛聞皆欲得之佛言受我教法悉念持之諸經法中本無恐懼本淨無端緒住諸經法無端緒無所說住無所說教如虛空無形住如滅度

無異無所從生無形住如幻如水中影如夢中所見其等無異佛音聲如是當隨經教植志守淨從是東行去是二萬里國名香淨法王法治處其國豐樂人民衆多其城縱廣四百八十里皆以七寶作之其城七重間有七寶奇樹上有雜寶羅縠帷幙以覆城矣其間

卷六

四

有寶交露垂鈴城四門外有無極戲廬繞城有七重池水中雜種青蓮及諸名華其香熏國光色遐耀行者近華身衣如之皆在池中生池間陸地有薺蘭華忍中華奇華如是數百種池中有衆鳥鳧鷺鷺鷺異類之鳥數百種有七寶船其人乘船遊戲池中羅列五百六十萬玉女妻諸開士常敬之於國

中央施高座隨次轉下黃金座白銀座琉璃
座水精座其上皆布文繡綻座間皆散雜
種香華上施寶蓋中外周而燒衆名香法來
開士常於高座爲諸開士說明度中有聽有
書有學有諷誦守者若到彼所當爲若說之
前數千億世常爲若師是若發意時師也往

至佛所時若所聞見慎莫疑怠何以故若未
曉變謀明慧當諦觀邪事善士慎於邪教莫
念師在深宮以之懈怠敬當如佛用經法故
莫念財利無貪爲寶當貢所尊慈孝於師作
是行者今得大法矣開士從化佛聞是教其
喜亡身即見十方佛定諸佛皆遙歎言善哉

五

善哉善士我曹本求開士道時用精進故獲
明度成爲一切智三十二相八十種好十力
四無所畏四事不護十八不共亦復得定諸
佛所歎若尋佛迹當則吾等作斯行者開士
功德若當具足得之普慈開士從定寤作是
念諸佛本從何所來去何所至作是惟已便

復哀慟念佛教我至法來所便從是去中道
得一國國名邪所樂我於城外園中止宿自
念佛法實難得聞我當盡力供養於師今我
一身加復貧窮無珍寶及香華供養於師作
是念已即入城街里自衒言誰欲買我者是
時邪在城外戲與萬媒女共遊邪聞開士自
衒聲便念開士自賣身欲供養法來志存索
佛當出我界度人衆多今當壞子令一國人
皆不見其形不聞其聲如是城中人悉不聞
見其形聲開士賣身不售便自死轉卧地啼
哭呼曰吾賣身以奉師都無買我者當云何
乎天帝釋遙見開士精進乃余來下試之知
爲至誠索佛道但諛詣乎便化作梵志問言
高士將欲何求勤苦乃余用何等故死轉哭
乎報言不須問也又問至三所欲勑使願語
我意念欲相助開士報言我自賣身以供養
師梵志曰吾欲大祀欲得人血肉髓心卿能
與我者我益與卿寶開士聞之心大歡喜即

甲子六

取刀自刺兩臂以血與之復割兩股肉又破骨以髓與之適欲刺其脣時樓上有長者女遙見大愍傷之與諸妓女五百人下至開士所問言高士年尚幼少端正如是何以故自割截身體乃余乎報言我出血割肉取髓賣之以供養師女問設供養師者能得何等師名爲誰在何方止開士報言在東方字法來當爲我說明度聞者當守淨行可疾得佛身三十二相十種力四無所畏四事不護十八不共得法輪轉度十方人女聞之喜曰如所言天上天下無比卿何其自苦乃余乎我足子名寶身與衆女願從子行供養明度欲聞

開度六

深經開士言甚善梵志言善哉善哉開士高行精進難及吾非梵志也是天帝釋矣故來試子子欲何求我悉與子報言天王哀我者使身平復願則如舊瘡愈身強氣力喻前釋即自去長者女語普慈言願見吾親索寶函去開士覩彼女親具陳之親曰甚善吾亦有

志傷年西垂體違心願矣若欲所得便自說之女言我欲得珍寶奇物父母言自恣取之女便取奇物織成栴檀名香及雜諸寶五百乘車悉載自重五百侍女自副諸女啓長者女親欲侍貴女隨開士行親許即行以漸進路遙見香淨國七寶城郭幢幡光色衆寶交露鐘鈴樂音寶樹戲廬車步諸妓香風四出辭如天上開士及諸女遙見如斯忻豫無喻念曰吾等宜當下車步行入城共從西門入問路人曰彼何等臺七寶服飾姝好乃余乎路人曰賢者不知邪有開士字法來人中寡尊無不供養作禮者是開士用明度故作是臺其中有七寶函以紫磨黃金爲素書明度著函中有若干百種名香法來開士日日供養持雜華名香然燈懸幡華蓋雜寶正音道樂盡禮供養餘開士亦然仰利天人晝夜各三持天名華供養明度普慈開士及諸女聞之大喜俱以雜香金縷織成雜衣有散上作

開度六

七

幡搭壁敷地者畢俱至法來開士高座會所
相去不遠遇見在高座上爲人幼少顏貌端
正光耀微射爲巨億万人說明度與法來相
見持雜種香若干寶衣以上師矣作禮遶八
百匝自歸言願吾等進高行獲尊經法來開
士慰勞之曰多賀來到得無疲倦他所勑使

所欲得者莫自疑難我是度人之師適無所
愛惜普慈開士言我本索明度時於山中哀
慟空中有化佛身有三十二相紫磨金色十
億光焰出佛歎我言善哉善哉索明度當余
從是東行二萬餘里其國名香淨中有開士
字法來人中宸尊常反覆教人若至彼聞當
得明度前巨億劫常爲若師斯若初發意
時師也我聞師名心大歡喜不自勝用歡喜
故即得悉見十方佛定是時諸佛讚歎我言
善哉善哉我曹求佛索明度亦余自致成佛
寤則不見我自念言佛爲從何所來去至何
所願師爲我說法來言賢者善聽空不願無

相本無所從來去亦無所至佛亦余無處無
所生無形幻化野馬夢中人滅度想像無生
無長無所適經界本端無所從來去亦無所
至欲知佛亦余普慈開士聞深法如是比不
可量即於座上得六万定門何等爲定門無
處所定脫諸邪中不恐是脫於愛欲之本定

脫出患難定不可計諸法句入定譬若海水
不可量多少慧所入定莊湏弥山功德莊飾
定五陰四大六衰無形觀定入諸佛定悉見
諸佛定開士定道諸經無形見說定珍寶莊
嚴定悉觀珍寶入定悉念諸佛定開士上高
座定真不退轉及法輪爲轉定莊佛功德定
所聞衆事無瑕穢悉及淨定所聞衆事如海
定無所獲無過定樂經音聲遍至定經法章
顯旗幡定如意來身無形入定諸經無形遍見
定開士印定如來目見定照光明境界定佛界
所願具足定解十方難定臨成佛莊嚴定種
種雜華葉異色定多珍寶定法輪常轉定諸

音聲遠聞入要定入十方人本定諸三界悉遍至定成佛諸功德定無能過六度開士樹下坐時定壞餘外道羅網定如來見飛定無量功德莊嚴定諸珍寶智慧功德定一切智地定悉淨自定悉遍照明定悉入十方人因垓定根智慧出中定三世悉等定如是比普

慈開士得六万定余時法來開士起入宮中大明度無極經法來開士品第二十九

是時普慈開士安隱從定覺起與諸姝女共至法來宮門外立自念言我用經法故來師今在內外無宜坐卧矣湏師出上高座說明度無極尔乃坐矣諸女亦效立是時法來適教中宮諸姝女說經道已沐浴澡洗更著新衣上明度臺坐惟諸定如斯七歲不動不搖普慈開士及諸女亦復經行七歲不坐不卧後天人於空中語之言却後七日法來開士當從定起開天人語聲自念言我當爲師敷座掃灑令淨皆到說經處特爲師施高座諸

女各取著身衣服敷座上是時邪自念言未嘗有是開士今施高座用敬索佛故精進勇健無休懈時得道者當出我界度脫衆生無量吾當壞子邪志壞諸開士座皆令繚戾雨沙礫石荆棘枯骨汗座普慈及諸女見地輒沙礫荆棘枯骨在其座間自念言今師當坐

用度六九

九

說經及諸弟子皆當來聽我更掃除整頓坐席整已地輒有塵土來坌師及諸開士今當灑之即行索水邪令水竭念曰我曹索水不得當云何當取身血以灑之時普慈及諸女各取刀處刺身血灑地用慈於法故時釋自念言今世乃有是人精進恭敬慈孝於師讚言善哉善哉賢者誠難及今聞明度不久會當得佛賢者今他所勑使願相告矣有如賢者輩我當護所欲得者悉當與之普慈報言我欲所得者自當知之是時釋化地悉使體暴瘡悉平復如故座四面化作瑠璃水池

周匝皆有珍寶欄楯及四寶池挾陸兩邊有七寶樹若干百種行列殊好開士及女人爲諸開士儲水天雨衆華光色耀國甘香四被聞者心軟凡四千石上普慈開士語之言持是華供養明度及散法來諸開士上以天衣五百領法來在座以衣敷上普慈即悉受之

便爲呪願是時法來開士七歲已後從定覺起到高座與二百億開士共坐於前坐者甚衆多是時普慈及諸女皆共散華并持栴檀燒香及名雜香諸珍寶散法來諸開士上前以頭面著足起遶三匝却住以微意視法來大會方四十里滿其中人法來開士四向視諸來會者用經法故即爲說明度言善士且聽諸經法本端悉等如來智慧無所罣礙如幻無形如風本端不可計明度亦然一切我所悉斷本淨明度亦本淨譬如野馬像人本無如夢中有欲其欲本無如所名人本無如應儀滅度空無所生明度亦然如來滅度

亦等無異明度本等譬如然火則時滅之本無所從來去亦無所至如夢中見須弥山本無如佛現飛本無所有明度亦然前於欲中相娛計之無所有如人名聲無所有如來無於前見者念所作因見明度念所作本無所有如幻師化作像本無所有如虛空適無所用六度六

十

往如幻師學無所不示往古來今亦不可合爲一明度者亦無三世當作是知名計本無形罷字有形明度無所不至無不入何以故空本無色明度譬如虛空無不至無不入於地水火風空入於彼此五陰入人壽命有德無德入於欲不欲有無有相無相願無願

入於生中入於日月星宿質諒神龍鬼王執樂神似人形神胷脹行神蛇軀神亦入禽獸餓鬼地獄蜎飛蠕動蚊行喘息入於貧賤富貴賢者聖智仙人溝港頻來不還應儀緣一覺入於開士入於佛入於滅度四意止四意斷四神足五根五力七覺意八道行有智無

智十種力四無所畏四事不護十八不共佛
經世經巫呪入於宿命所行展轉生死中有
苦無苦自在不自在度脫好不好善不善智
不智明不明往古來今可見不可見教法所
有無所有一切有形無形無不入矣佛告善
業法來開士爲普慈說明度所入處如是具

說晝夜七日是時人聽經呼如飯頃何以故
法來開士威神力恩普慈開士聞大歡喜諸
女共持天衣及八百石雜寶供養法來開士
釋復持天上名華以散法來及諸開士上以
增功德是時一佛界中樹木華樹果諸雜寶
樹悉傾曲躬爲法來開士作禮兩密香之華

甲子度六

十一

其華香聞一佛刹中一切人聞是華之香各
遙見法來開士在高座上說經并見普慈及
諸女心皆樂之柔弱歡喜皆遙作禮其國中
悉震動是時巨億萬人悉得無數經法不可
復計開士皆得不退轉時諸女前白普慈言
我等願以身命自歸爲師給使并五百乘車

珍寶以上師師爲我等忍大衆苦以師當佛
今蒙大恩乃得聞尊經無絲髮之疑今我等
爲師給使巨億萬劫尚未能報湏臾之恩普
慈受之前白法來開士言今以身及諸女衆
珍寶以上大師師哀我等願受之使我得其
功德法來開士欲使普慈成其功德故悉受
之反遣普慈言以是諸女可爲給使諸車珍
寶可以自給忉利天上諸天人各歎言善哉
善哉普慈衆寶悉以施師是意難得時有巨
億萬人共到法來所聽經普慈歡喜即於座
上得六萬定門何等爲定願樂定威儀定勸
德定月盛滿定日光焰定如來行定懸念佛
定開士生定樂智慧定度脫堅住定諸境界
中無所住定國土種種嚴入定如來相入無
相定十方人無形印封定如來出生定無所
畏樂定棄捐珍寶定如來力嚴莊定諸經法
明樂定諸法無所從來解事定淨如梵天定
三世眾等入定嚴佛藏定佛音聲悉成定如

是定輩得六万門開士從定覺悉得智慧力入諸經法中普慈白言願師爲我說佛聲當何以知之法來曰賢者明聽譬如箜篌不以一事成有柱有絃有人搖手鼓之其音乃同自在欲作何等曲欲知佛聲音亦然開士有本發意累世作功德教授問佛事合會是事

乃得佛身音聲亦然其法皆從因緣起不從開士行得不離行得不從佛身得不離佛身得賢者欲知佛身音聲合會是事乃得佛聲耳復次賢者譬如吹笙師其音調好與歌相入笙者以竹爲本有人攻吹合會是事其聲乃悲如來身不以一事二事成以若干事累

羽明度七

十三

世作功德教人入道本願所致用是故佛身相及種好悉見如是譬如佛滅度後有人作佛形像端正姝好如佛無異人見莫不稱歎持華香繒綵供養者賢者謂佛神在其像中耶對曰不也所以作佛像者但欲使人繫意禮敬自警修德得其福耳亦不用一事二事

成有金有智人若有見佛時人佛滅度後念佛故作像欲使十方供養得其福法來報言如賢者言成佛身不用一事二事有開士之行有本索佛時人若有常見佛作功德用是故成佛身智慧變化飛行及諸種好乃成佛身辭如鼓有竹水革桴有人擊之其聲乃出

欲知佛身亦余用若干百千事乃成之耳有初發意有六度無極行曉知本無無所從生之事坐於樹下降伏邪官屬諸經法當知如幻無異以是成佛身辭如畫師有壁彩筆手畫之乃成畫人佛身亦余用數千事有布施持戒不犯十惡常隨善師等心哀衆無能壞者世世見佛開士聞行堅持不忘守真不譖常行至誠又辭如結愛天所止觀第光耀天上端正姝好是天第舍不自作不有來作者本無所從來去亦無所至因緣所生其人前世作德所致用布施衆生故得生彼第舍中止賢者欲知佛身因緣所生用世人欲見佛

羽明度六

三

其人前世有功德遠離八惡處生慧信於佛
佛所以現身者欲度衆生故如山中響不用
一事二事有山有呼人有耳聽乃聞佛本無
形亦無所著因緣所生世世習行空生死因
緣佛悉曉之本無生死亦無滅度作是示現
作是說辭如幻師化作轉輪王慈化潤衆聞
者皆喜人索珍寶所愛被服悉恣與之王在
衆中坐起行步容儀安謐人有見者莫不敬
化不以一事二事成有師有呪有聚人隨所
喜化現之有點者知爲化矣斯幻人無所從
來去亦無所至本空化所作點者知因緣所
由佛身亦然用衆事有功德有勸德念群生
使安隱具開士願分布經法教授使行乘定
思惟分別爲人說經使學諸天人民莫不歡
喜中有自貢高者不知慙者姪亂憚貪者強
梁自用者喜鬪不可諫者姪怒癡所覆者行
惡不可計者佛在衆人中端正殊好坐起行
步法儀安謐衆惡已盡唯有諸德使人得安

開士得不退轉八百億開士皆得阿闍浮住
法是時天持名華來雨散法來及諸開士上
持法來威神覩一佛界諸有音樂皆自作聲
數千万天從虛空中散天衣作音樂共樂法
來及諸開士衣皆行列覆一佛界諸天燒雜
香其香分散亦遍一佛界地悉震動開士普
見諸佛諸佛皆遙歎法來言善哉善哉是時
諸佛授普慈開士決後嘗作佛字因摩迦祇
陀頗羅耶如來無所著正真道寂正覺諸女
即化爲男世世所生不離諸佛常以大明教
授十方以求作佛佛告善業開士疾欲得作
佛者索明度無極精進恭敬如普慈開士

大明度無極經囑累阿難品第三十

佛告阿難以明度無極經累汝諦持念了取字句莫使缺減左右顧望此是無盡經藏鎮諸法悉從中出無量經卷種種異慧所見人民若干種所喜所行道經所入慧一切皆從是明度藏中出若干種所見相種種所行若

千種根癡種慧種人民所求盡所求慧如來悉知從明度中出是經如來無所著正真道貞正覺母是慧眼并我身皆從是出生佛言阿難若敬我所說法法敬事我若自敬身有慈孝於佛持是奉事明度悉爲供養諸佛已若身口心有慈孝於佛不言無孝若常得佛儀常如法心常淨無瑕穢若見佛不言不見如是悉爲報佛恩已我語若阿難是明度從中忘一句一字捨之不書若爲不孝於佛不見我不敬於佛爲無供養爲背佛恩佛言阿難汝諦受諦念明度用慈孝於佛故承用教故此乃往古來今佛天中天之所施教也用

是供養者汝於衆生爲大慈爲以親近持佛藏佛滅度後汝當護是經莫令減少我手付汝當授開士大士開士大士將是所致諸勤苦生死牢獄悉破壞諸無智者爲癡所繫著悉得放解諸邪官屬無不降伏諸所欲法悉除去上佛坐作無上正真道人民無目者愚

十五末

癡者悉當開與正法第一大道無兩正法無上正真道貞正覺慧是爲明度決我滅度後三千國土其中人民若悉教入法中悉令成就得應儀道曰教示乃余所人如是一劫若百劫悉爲說經令得滅度雖余尚不足爲承事我不如持一句教開士爲具供養佛已佛言我今於是稱譽若囑累明度至一劫百劫不能竟龐揔說耳佛從袈裟中出辟舉右手著阿難頭上摩頭又以著阿難肩上云何阿難若慈於佛不阿難言佛天中天自當知之如是至三佛復問云何若孝於佛不復三阿難言佛天中天自當知之佛言若以弘慈報

佛恩備矣尊奉明法恭矣受經義句當令分
明心所念餘棄之一心於是中書具經正字
畫點句逗取時持時學時當諦授與開士令
經上下句逗相得書時好筆好素上當自歸
承事作札供養華香擣香燒香澤香繒蓋幢
幡辟如天上所有潔淨香著麻油中好燈炷
自歸頭面著地却然炷如敬作札承事佛說
明度無極時在王舍雞山中衆弟子諸開士
中央坐佛年三十得佛十二月十五日過食
後說經畢諸弟子開士諸天質諒神龍鬼王
人民皆大歡喜前爲佛作札而去

大明度無極經卷第六

十三